



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Si quis spontanea voluntate homicidium perpetauerit, iuxta decreta  
Melchiadis papæ, & Triburiensis concilij statuta, talem poenitentiam  
accipere debet. Cap. i.

**urn:nbn:de:hbz:466:1-10722**

# D. Burchardi

## ECCLESIAE VVORMA- ciensis Episcopi, de Homicidiis, Decretorum Liber VI.

### ARGVMENTVM LIBRI.

Liber hic de Homicidiis sponte & non sponte commif-  
fis, de parricidiis, de fratricidiis, de illis qui vxores legiti-  
mas, & seniores suos interficiunt, & de cæde ecclesiasti-  
corum tractat, quæque singulis hisce homicidij generibus  
sit pœnitentia iniungenda, ostendit.

*Si quis spontanea voluntate homicidium perpetraverit,  
iuxta decreta Melchiadis papa, & Triburiensis cõ-  
cilij statuta, talẽ pœnitentiã accipere debet. Cap. I.*

Ex iocil.  
Triburi.  
cap. 4.

I

N primis, vt licentiam non habeat Ec-  
clesiam intrandi, illos proximos XL  
dies nudis pedibus incedat, & nullo ve-  
hiculo vtatur. In laneis vestibus sit ab-  
que scemoralibus, arma non ferat, &  
nihil sumat in his quadraginta diebus nisi tantum panem  
& salem, & puram bibat aquam. Et nullã communionem  
cum cæteris Christianis, neque cum alio pœnitente ha-  
beat in cibo & potu, antequam quadraginta dies adim-  
pleantur. Et ex cibo quem sumit, nullus alius manducet.  
Considerata verò personæ qualitate, vel infirmitate, de  
pomis, vel holeribus seu leguminibus, prout visum fuerit,  
aliquid pro misericordia indulgeatur, maximè, si quis co-  
actus & non spontè homicidium fecerit, & ei omnimodis  
ex canonica autoritate interdicitur, vt in his diebus cum  
nulla scemina misceatur, nec ad propriam vxorem acce-  
dat, nec cum aliquo homine dormiat. Iuxta Ecclesiam sit  
ante cuius ianuas peccata sua defleat diebus & noctibus  
& non de loco ad locum pergat, sed in vno loco his qua-

quadraginta diebus sit. Et si fortè habuerit insidiatores vitæ suæ, interim differatur ei pœnitentia, donec ab episcopo pax ei ab inimicis concedatur, & si in infirmitate detentus fuerit, ita vt non possit dignè pœnitere, differatur pœnitentia donec sanitati restituatur. Si autem longa ægitudine detentus fuerit, ad sententiam episcopi pertinebit, quomodo reum & infirmum sanare disponat. Completis XL. diebus aqua lorus, vestimenta & calciamenta accipiat, & capillum incidat.

*Quid in primo anno obseruare debeat.*

*Caput II.*

**I**n primo anno post quadraginta dies, totū illum annum à vino, medone, & mellita ceruisia, à carne, & caseo & pinguibus piscibus absteineat, nisi festis diebus qui in illo episcopo à cuncto populo celebrantur. Et nisi fortè in magno itinere, vel in hoste, vel diu ad dominicam curtem vel infirmitate detentus sit, tunc liceat vno denario, vel precio vnius denarij, aut tres pauperes pascendo, tertiam feriam, quintam feriam, & sabbatum redimere, ita duntaxat, vt vna re de tribus vtatur. Postquam domum venerit, aut sanitati fuerit restitutus, nullam licentiam habeat redimendi. Completo anni circulo in Ecclesiam introducatur, & pacis osculum ei concedatur.

*Ex eodē cap. 5.*

*Quid in secundo & tertio anno obseruare debeat.*

*Caput III.*

**I**n secundo & tertio anno similiter ieiunet, nisi quòd tertiam feriam, quintam & sabbatum, potestatem habeat redimendi prætaxato precio vbicunque est. Cætera diligenter omnia obseruet vt in primo anno.

*Ex eodē cap. 6.*

*Quid in reliquis quatuor annis obseruare debeat.*

*Caput IIII.*

**Q**uatuor anni deinde restant, per quos singulos ieiunet tres Quadragesimas. Vnam ante Pascha cum cæteris Christianis, abstinendo de vino, medone, mellita ceruisia, carne, & sagimine, & ouis, & pinguibus piscibus. Alteram, ante natiuitatem sancti Ioannis. Si aliquid remanet de quadraginta diebus, post Missam sancti Ioannis impleat. Tertiam, ante Natalem domini ieiunet, vt supr adictum est. Et in quatuor supr adictis annis, tertia, quinta feria, & sabbato, vtatur quicquid vult, & secundam, & quartam feriam redi-

*Ex eodē cap. 7.*